

Ons Koning en Sy Naam

Die Koning en Sy Naam

Graag wil ek eers 'n stelling maak voordat ons by ons Koning en Sy Naam uitkom. 'n Blinde man gaan elke dag na 'n sekere oom, met die naam Koos, om by hom te leer. Die oom bly net langsaan waar hy bly. Die blinde, as jongeling, is onkundig en moet baie leer tot die samelewing. Maar eendag toe hy weer na oom Koos gegaan het was hy nie meer daar nie (min wetend is oom Koos oornag oorlede). Hy roep na die oom, maar daar is geen antwoord nie. Bewoë in sy hart gaan hy terug met die gedagte dat oom Koos nie meer met hom wil kommunikeer nie. Hy voel oom Koos het hom verwerp sonder dat hy daarvan geweet het. Toe die dag daarna aanbreek dink hy dat hy weer 'n kans moet vat om na oom Koos te gaan. Met aankoms hoor hy niks, tog roep hy met verwagting dat daar 'n stem na hom sal terugkom. Niks! Met 'n swaarder hart as die vorige dag stap hy terug huis toe. By die huis begin verwyte. Hy dink aan al die kere toe hy rebels was teenoor oom Koos se lering. Toe hy oom Koos partymaal met minagting behandel het. Ja toe hy partymaal 'n bietjie bitsig was met die mond.

Dae het verloop, maar een dag hoor hy dat daar weer lewe is in die huis hier lang hom waar oom Koos gewoon het. Hy spring op met gemengde gevoelens en gaan sonder skroom dadelik na sy buurman toe. Hy voel dit is net reg dat hy by die oom kan uitkom en die struwelinge tussen hom en die oom kan uitsorteer. By die huis hoor hy vreemde stemme, maar dink dat dit dalk kuiergaste mag wees. Hy roep luit uit na die oom en wag 'n oomblik. Hy hoor voetstappe in die gang wat nader kom. Dit klink vir hom vreemd, maar miskien is dit van die gaste wat die deur vir hom kom oopmaak. Die deur swaai oop en 'n vreemde stem kom na hom met 'n vraag, kan ek help? Hy sê ja ek kom vir my lesse by oom Koos. Voor die vreemde kon praat of om te antwoord praat die blinde man dadelik weer, want hy is bang dat oom Koos die vreemde gestuur het om hom weg te wys. Hy noem toe dat hy ook gekom het om verskoning te vra, en dat hy graag aan wil gaan met sy klasse, as dit die oom behaag.

Die vreemde aarsel vir 'n paar oomblikke, want hy het klaar die situasie opgesom van die blinde en die vorige eienaar van die huis. Hy begin toe met 'n ander toon met die blinde praat, want hy weet hier gaan nou seer woorde uitgespreek word. Op die stoep staan daar 'n paar stoele en die vreemde man vra of die blinde man nie wil sit nie. Die blinde verwonder hom oor die versoek en sê nee ek is reeds laat en die oom mag dalk teleurgesteld wees in my tydverspilling. Die vreemde weet dat hy die man die waarheid moet deurgee.

Hy stel homself voor aan die blinde en gee hom toe die waarheid van oom Koos deur. Die blinde het nie 'n woord gesprek terwyl die man hom vertel dat oom Koos oorlede is nie. In stilte draai hy om en strompel terug na sy huis.

YAHUSHA het gekom om die dissipels en andere te kom onderrig. Hy was by hulle, dus nooit te ver vir hulle om sommer tot by Hom te stap nie. Intendeel het hulle het Hom eerder seergemaak, allerhande name genoem en Hom behoorlik aangeval.

Toe tree die dood in. Blindes was hulle, en is daar tot vandag toe. Toe die dood ingetree het, het die blindes wat gerebelleer het verlate gevoel. Wie sal hulle nou kan help, 'n ander een ? Sal daar 'n ander in Sy plek kan opstaan om so sagmoedig en tog so ferm dinge kan deurgee soos Hy ?

Terug na die hede. Dink gou saam met my die volgende. In die ou Verbond ontvang ons 'n Naam (*Ex. 6:1,2 Verder het ~~God~~ Skepper met Moses gespreek en vir hom gesê: Ek is ~~die~~ HERE YHUH en Ek het aan Abraham, aan Isak en aan Jakob verskyn as ~~God~~, Skepper die Almagtige, maar met My Naam ~~HERE~~ YHUH het Ek My nie aan hulle bekend gemaak nie.* *Jes. 12:4-6 En julle sal in dié dag sê: Dank ~~die~~ HERE YHUH, roep Sy Naam aan, maak Sy dade onder die volke bekend, verkondig dat Sy Naam hoog is! Psalmsing tot eer van ~~die~~ HERE YHUH, want Hy het heerlike lofwaardige dinge gedoen; laat dit bekend wees op die hele aarde. Juig en jubel, o inwoners van Sion! Want die Heilige Reine / Afgesonderde van Israel is groot in julle midde.*

Jer. 33:2,3 So spreek ~~die~~ HERE YHUH wat dit doen, ~~die~~ HERE YHUH wat dit formeer om dit te bevestig, ~~HERE~~ YHUH is sy Naam: Roep My aan, en Ek sal jou antwoord en jou bekend maak groot en ondeurgrondelike dinge wat jy nie weet nie) en die Naam was alom bekend by alle volke, want hulle het erken dat die Skepper en Hemelse Heerser YHUH is want toe Bileam sê in Num 23:8,9 Hoe sal ek vloek wie ~~God~~ die Skepper nie vloek nie? En hoe sal ek verwens vir wie ~~die~~ HERE YHUH nie verwens nie? Want van die top van die rotse af sien ek hom, en van die heuwels af aanskou ek hom. Kyk, 'n volk wat afgesonderd woon en hom nie tot die nasies reken nie.

Dus so 4030 jaar gelede was die Israëliete as volk onder die Naam van YHUH bekend as "hulle" "God" Skepper en hemelse Heerser. Die Naam moes tog daar gebly het sodat die volk nog steeds bekend kon wees as die volk van YHUH nie waar nie. Nou hoe kan 'n mens (keiser Konstantyn {so + - 325 jaar na YAHUSHA}) besluit dat daar nie meer Israëliete sal wees nie, maar Christene en dat die Naam YHUH onuitspreeklik {veral deur die Jode} sal wees en nie op straat genoem sal word nie, maar eerder Zeus / "Ie-ZEUS Christos" (Jesus = kleinseun van Zeus die son god of Nimrod. Christus of Christos = goed en ook 'n son-idiol Osiris {Griekse gode: pa = Cronus; ma=Rhea; seuns = Zeus {god van die hemelruim} Poseidon {god van die see} ; Hades {god van die onderwêreld}) Maak dit vir julle sin ?

Ex. 20: 7 Jy mag die Naam van ~~die~~ HERE YHUH jou ~~God~~ Skepper nie ydellik gebruik nie, want ~~die~~ HERE YHUH sal die een wat Sy Naam ydellik gebruik, nie ongestraf laat bly nie. Dus het hulle nie YHUH as 'dié Naam' ydellik gebruik nie, want hulle het 'n "ander" naam gebruik.

Nou baie sal nou vra, maar die Skrif is vol van die Baal name wat moet ons met hom doen. My vriend lees die name net reg in. Soos die vertalers die Naam van ons Koning uitgeskryf het lees dit net weer reg in. Ons koning se Naam kom al oor die 4000 jaar al aan en hoekom sal ons die naam wat in die vroeë 1600 ontstaan het, dus so 400 of wat jaar, lees ?

Wat ons moet besef is dat die Skrif vir ons 3000 jaar of wat al gewaarsku het in *Mal 1:11 Want van die opgang van die son tot sy ondergang toe is My Naam groot onder die heidene; en in elke plek word tot eer van My Naam reukwerk gebring en 'n rein offer; want My Naam is groot onder die heidene, sê ~~die~~ HERE YHUH van die leërskare.* Nou van watter Naam word hier gepraat ? Is dit nie "YHUH" nie??

Nou daardie Koning het gekom as YHUH – SHA. YHUH ons LOSSER. Die Een wat gekom het na die klomp blindes. Hy wat kom pleit het dat ons weg moet kom van die blinde leiers. *Mat 15:14 Laat hulle staan; hulle is blinde leiers van blindes. En as 'n blinde 'n ander blinde lei, sal altwee in die sloot val.*

So aan al die J.ses aanhangers kom uit haar uit, want dit is 'n mens(satan) geskepte naam wat aan die kerke behoort. Soos jy uit die kerk gegaan het moet die J=sus naam ook uit jou gaan. Dink net by jouself, as jy moet bekeer, na wie bekeer jy ? J=sus het nie bestaan nie dus kan jy nie na hom bekeer nie, maar wel na die een wat die naam daar gestel en gebruik "satan"

Kom uit die sinagoge van satan na die Tempel my vriend, want YAHUSHA wag daar vir jou!